



LA GUERRA D'ORIENTE

Le un gran pez i la in Orient
e Turcaz tent prepotent
che massacra mi cristien
come ch' fussa tent i chen.
Sarà circa zinquentan
chia decis tutt i sovran
da cazel via d' gallopa
i la in Asia fuor d' Europa,
ma i na mai conclus un ca....
chei po nasc un affaraz.
Siccom la tera dla Turchia
al potenzi tutt la vria
ch' lè una torta saporida
ben saleda e ben condida,
ià paura te partila,
tl' assagela o te santila
dla su perta chin si stufia
che succeda una baruffa.
E si sataca chi chen gross
guai allora! e diventa ross
e terren do chi combat
con al ierme addes chià fat.
Ma i sovran in vo la guera
ne per mer e ne per tera,
i trema sol a nominela
figurev siaves da fela!...
i sa che lor i ne bein vist
da ioperai e da iartist
ei pipa e cul, ià la cagona
d' perd e tron e la corona.
Ià vu l' esempie di franzis
che dop e stenta ma Luis
i la mand fora de ca...
in Inghilterra a coi i straz.
Ades la guera la ha rott
in tra Turch, Grech e Candiott
(insorti d' Candia, capi bein...
no i candiott dov ch' boll è vein...)
Alla testa i la d' iinsort
le la Grecia, un suldè fort
con e partid che se acquistè
Giorgio i turch ei fa ballè!
s' in racconta una fandonia
in Armenia, in Macedonia,
in Tessaglia, in Albania
chiè tutt sotta la Turchia

i sta per fe rivoluzion
per cazzè for di qua.....
Ma che bon-om!!! de gran Sulten
Ma Lu con tutt al su suten.
Ma siccom com a vo dett
Chii vo mett i su zampett
i governe i qua d' Europa,
iè andè zù tutt d' gallopa
con la scusa d' scumpartì;
a l' avrì pu a senti dì
chi se mess tutt a sl' atent
con i cannon ti bastiment
punted contra La Canea
com ià fat i la in Crimea:
Pazienza allora lera gros
e nemigh, lera un colos
lera la Russia drenta un fort
che per ciapel trop i ne mort!...
ma ades cosel chià da combat?
in vra mazzè chi quatre gat
di Grech unid a si candiott!...
che tent' an chi fa i cazzott
contra e Turch per la rason
chi ne vo più per su padron!?
e si vo es indipendent
el mo giust che i pretendent
i degga, an voi cav ribelleva
a voi piuttost ca tribuleva?...
I ne dovria miga fe...
Che rason hai da portè!..
Eppur, iv vist eltramateina....
iè ste guasi una vinteina
chià sparè chi lign da guera,
Prussia, Russia ed Inghilterra!...
ià tirat a t' un convent
i la spianed a t' un moment
fortunà e fu chis n' era incort
chi scapò prima tutt iinsort
con chel bombi d' melenita
i leseva tutt la vita!...
Bela forza chià vrà fat!..
tri leon contra du gat!...
Ma l' Italia, a sent chià ditt
cla na tirat a mi puritt
e nienc la Frenza, a sent chi dis,
sarea bela chi pais

ned dalla rivoluzion
 chi tirassa se canon
 ma quei che contra i su oppressor
 i combat com ià fat lor.
 E pu cosel cli vo al potenz
 chi tralascia ades chia chmenz?...
 tropa stramba l'è l'idea
 tent la Candia e La-Canea
 is farà anche massacrè
 ma sotta i turch in vo tornè:
 ed infat i na rason?...
 ià fat tent rivoluzion
 per potes emancipè
 in ha mai potù sfondè!...
 adess si fuss e fundament
 chi lasa andè e combattiment!?...
 i candiott quest i ne fa
 e sarea una viltà
 trop infamia ià subì
 ià più chera da morì.
 De noventa insina ades
 quant masacre el mai success!...
 ma quant cristien i Musulmen
 i ià leghed i pid al men
 e pu i ià port con i barcheitt
 i la te mer a mi purritt,
 senza niè chi a aves fat
 affoghei come mi gat!...
 Ma quant villag i la at chi logh
 I Turcaz i ià de fogh
 e chi puvrein can n'eva colpa
 meda e bus come la volpa
 i fugiva si fiol in braz
 e i turch, tirei come ti raz!...
 Costantinopoli, a Stambul,
 a Pera insomma i le du full
 chi masacre dl'an passed?
 quant cristien ai mai scanen?!...
 E al su guerdie d'pulizia
 de governe dla Turchia
 invec d'reprim da mett un frein
 i n'aiuteva iassasein?
 E al potenzi l'il saveva
 a men a men che succedeva
 zert infamie, zert delitt
 in reprimeva al steva zitt.
 E ades i ved che da per lor
 ià ordì tutt e lavor
 per liberes contra i tiran...
 cosa ientra andè i sovran
 a di: ragaz altlà!... fermev!!

altrimenti a sli nost nev
 av ardusem all'ubbidienza!
 a ne una vera prepotenza?!...
 A n'era un simil la partida
 ai temp dl'Italia disunida
 i qua da noun quand mesch
 i cà de cli quatre lisch?...
 quand i Borbon, i papalein
 i mercenerie tutt insein
 i fuzileva i liberel
 andevla bein? o andevla mel?
 Se allora de zinquentanov
 i volonterie chi se trov
 con Garibaldi conduttier
 per cazè fora e stranier,
 se fussa vnud i qua la Russia,
 l'Inghiltera ossia la Prussia,
 chiavessa dett: altlà ragaz!...
 a chesa tutt, sindè a v'amaz!!
 cosa avresme noun mai fat?
 me a scomet ancora i gat
 chi ciaveva te fuzil
 a tli sciaboli, a ti stil!...
 e a voresve che i Candiott
 chi stas i le com i fagott?
 is fa scanè tutt un per un
 can n'aresta più nissun!...
 Non ostent a voi sperè
 mi puraz chii lasa fe;
 I sovran ades te prim
 i farà finta da reprim.
 ma quand sarà la conclusion
 a vidrì chii da rason.
 Per ora i gross nissun se mos,
 o cla va lissa o cle molt gros
 e sguattaron se da che nasc
 in sarà selve quii tli fase!...
 Basta, me sa sarò viv,
 ogni cosa a vnirò a div,
 si ma port pu te chempsent
 invec d'Villa e vnirà un ent.
 Ragaz! adagio, andè piancin
 a tirè fora i quattrein...
 ch'majuta a vend a no nissoup
 no fe tenta confusion!!!...

G. VILLA

(Proprietà letteraria)

— Rimini 1897, Tip. Malvolti e C. —

